

臺灣文獻匯刊

■ 陳支平 主編

第四輯

第七冊

◎◎ 九州出版社
◎◎ 廈門大學出版社

臺灣文獻匯刊

第四輯 ◎ 第七冊

李忠毅公遺詩
素村小草（一）

◎◎九州出版社
◎廈門大學出版社

李忠毅公遺詩

李長庚撰

蘇華整理

《李忠毅公遺詩》，不分卷，李長庚撰，李廷鈺輯。李長庚，字超人，號西巖，福建同安人，乾隆三十六年（1771年）武進士，官至浙江、福建提督，嘉慶中出海討蔡牽，戰沒於潮州之黑水洋，封二等壯烈伯，諡忠毅。李長庚究心韜略，熟悉海島形勢，能詩文，著有《水戰紀略》、《止止堂集》等。詩集中充滿眷戀家人、思念故鄉、盡忠報國的拳拳之情，其史料價值則在於對清軍與蔡牽交戰情形的相關描述。

李忠毅公遺詩

男廷鈺編輯

孫寶琮等謹校刊

寶琛

閨思

閨中指已屈爲我計歸程不料因風阻徒勞遠繫情
老妻接素書未覽色先喜既釋遠人心又知官爵起
分攜方半載離緒每縈懷兩地賦同心都嫌入夢乖

建甯道遇鄉人口占

曲曲灣灣水重重疊疊灘煩君歸故里爲報我平安

朝梵音

李忠毅公遺詩

李忠毅公遺詩

南海昭靈異梵音著績先片雲颺嶺上薄霧隱階前地僻
千山渺巖幽萬壑連許多無行輩到此發心田

舟中聞賊

久滯波濤倦萑苻信乍傳雄旗飄碧海岸甲耀蒼天赳赳
貔貅壯桓桓戰艦堅潛師今夜出紀績看當先

秋夜懷友

離緒托誰寄別愁只自知那堪異鄉夜兼憶故人時酒醒
霜初落天寒月已移此心懷百慮如醉又如癡

師次海門颼颼未息撫提不諳水務頻促出洋

極目椒江水粘天雪浪飄征帆如可渡何事苦相邀

月夜舟中卽事

欸乃河中櫂輕移月夜舟得魚思斗酒有婦遠難謀

閩洋懷春亭不遇

重來尋舊夢爲訴一年愁遙問長安客相思似我不
屈指長安路歸來夏盡期海南波未息恰好建功時
問訊長安客冲霄何所之鴻恩酬偉績絳節擁旌旗旣
遂丈夫志應教四海知成功如有日異數更奚疑

月夜行舟卽事

輕欸河中棹逍遙放夜舟微風搖柳岸涼月滿江頭漁火
明還滅雲烟散復浮扣舷歌赤壁天地一蜉蝣

李忠毅公遺詩

春日卽景

漫步村前路春融淑氣生雲開山色翠風靜水波平岸畔
桃花綻堤邊柳絮輕歸途日已晚林際忽鐘聲

遊佛頂

仄徑穿幽谷縈紆鳥道同當前如峭壁翹首卽蒼穹一步
一回顧隨灣隨曲通方登菩薩頂頓覺俗塵空展禮瞻莊
像焚香訴隱衷普陀稱勝地創始亦神功

建溪舟中

昨夜祝溪頭風搖浪擊舟不知何處雨春澗竟添流

冬瓜嶼風浪寄懷陳春亭

昨宵風雨阻浪蕩一孤舟爲問衝濤客可能安穩不

祈雨

四野如焚久三農望已違商羊方欲舞石燕又爭飛
聚艾求神感環茅麥已非倒懸如可解霖雨早霏霏

橫溪舟中卽景

咫尺塵氛隔幽居鳥雀喧蒼松列絕巘翠栢勢參天
水曲舟行滯戈橫人欲顛一番清意趣隨處樂陶然

寄傅碧山

分攜方十日離緒似三秋法古君知益趨時我未求
逢人傾腹吐遇事逞機謀只此皆吾過如何釋隱憂

李忠毅公遺詩

登石門洞

溜急舟行滯灘高縉步遲千峯環古洞一水注天池地秉
山川異泉成瀑布奇箇中真意趣可有幾人知

北洋舟中

風霧阻孤舟征帆去未由軍糧只七日繒纊未曾周盜跡
知無定狂濤刮不休當此苦寒際難爲北海遊願借鯤鵬
翅飛斬蔡牽頭免茲年歲暮還作水中鷗

連日追捕蔡匪北竄聞與定師戰於羊山弁兵被傷
至重因而作此

征帆無順逆逐浪似輕鷗盜匪東西竄雄師曉夜搜柁逢

嫌落日抱恨對孤舟聞說羊山戰吾心惻惻憂

舟行

浩渺烟波裏難爲一樣先風潮分順逆遲速判水淵咫尺天涯遠天涯咫尺前人言未敢信身歷始云然

寄懷從弟溫人輩

揖別幾經年流光如丸轉思慕一何深無從道惻欵往來執訊稀尺素通情罕憶昔諸棣萼同堂交相勉何期各分飛雁行忽中斷興言每及此潸潸淚老眼嗟予不孝軀豈復能追遠浮名雖以成負疚懷難遣顧影獨抱慙霜鬢兩邊滿自歎日衰庸益覺精神短回首望故鄉晨昏共繾綣

李忠毅公遺詩

李忠毅公遺詩

爲問諸猶子誰能驥足展

哭陳春亭

嶺表知名將君才迥出羣九原成幻夢二老泣幽墳

春亭有兩

代老臨難情何慘捐軀志獨殷此心懷故舊淚眼日紛紛

嘗讀公遺稿致書陳參軍大畧謂兵船在洋旣患口糧
不給又慮檄調頻仍且有兵單之苦所以徒勞無功來
書以閩洋船少盜多爲憂此不易之論兵船須合幫方
資擒捕但當事者懼事權不專或在洋鎮將自爲爾我
薄有聲名亟宜乘此奮勵仰酬國恩惟事不遂意權
力不能有爲是可歎耳今若不振作遇盜一追了事亦

何益於海疆嗟乎此見 公之捕盜事勢粵峯而陳參
軍爲能與 公同心戮力者也參軍諱名魁漳州人嘉
慶年間以舟師攻盜遇害時有總兵胡公振聲羅公江
泰亦公部下名將先後歿於王事云道光四年歲在甲
申孟秋朔日春明寓齋暑雨初晴晉江許邦光謹注
漁期正居風雨未息心切不安

風雨連天作漁翁舉網難千櫓環海岸萬頃湧波瀾未聽
魚聲喚先聞水勢潺怒濤如不息無自免饑寒

次韻奉酬阮芸臺撫軍

文章高映斗牛虛絳節重臨護象胥幃幄森嚴三尺法指

李忠毅公遺詩

揮妙合六韜書不嫌樗櫟加丹漆着意箴規滅釜魚漫許
胸中有兵甲江籌未稱待何如

開府推心若公虛要將民物納華胥風清海外寒奸蠹令
肅軍中畏簡書報國自應親矢石酬恩未盡掃鯨魚
疎庸何幸叨青眼媲美前賢愧不如

普陀朝梵音洞

南海名山夙所欽梵音瞻現鑒私忱當年只道神機渺今
日方知佛力深五蘊皆空觀自在六根清淨識多心精誠
到處天還格豈有慈悲不可尋

將赴水師提任留別定海同事

三載謬參閫外謀
魏無奇策壯邊郵
安瀾未慶虛威望
捧檄頻添報國羞
島上威名須共勵
軍中妙畧要諮諏
丁甯好把烽煙靜
麟閣功勲努力求

詩扇贈陳春亭

雄才偉畧擅干城
儒將威名學已成
月映征帆吹畫角
風翻雪浪耀刀兵
猖狂鬼蜮殲無數
重疊勛勞頌有聲
指日摧兇澄海國
建牙開府樂昇平

寄江洲

擬將別緒寄書頻
可奈重洋莫問津
一事纏心惟報國
半生籌海枉勞神
征帆拍浪酬恩日
瘦骨迎風恨病身

李忠毅公遺詩

猶幸老人眠食好尙能努力掃氛塵

僧菴與超塵叙話有懷

扁舟一葉渡橫流幾住僧菴問比丘
入世休嫌塵世累出家難免俗家愁
人須閱歷才方好事必經營識始優
自笑百年斯過半茫茫苦海度春秋

放翁詩云腐儒至老恥依僧其志固別有所在
公亦猶此志也然佛所云布施云捨身者莫大於此彼習小
乘者惡乎知之顧菴呵凍拜注

哭春亭

共事風濤已十秋每從危險見忠謀
旌旌移向南天去魚

雁常通北地郵正喜海邦添砥柱何期島外殞孤舟邪氛未靜身先喪長使知交淚不休

偶成

賊匪北來兵船反向南去勸令進兵致有後言自云不愧天不怕人因而有作

羽書日日促歸舟爲報邪氛又北投宛轉箴規猶有恨危言聳聽更含羞往來如入無人境焚掠何勞主將憂似此存心稱不忝論功應得是封侯

有感

兵船追捕不行盡力外議紛紜令人齒冷

海外烽烟久未收幾回督緝駐翁洲賊氛勢大仍趨避衆志方張值洗舟到處常因風浪阻閑來偏喜逞機謀莫言醜類終當去不戰如何事得休

李忠毅公遺詩